

SARS e ntlafatsa Tshebedisano ya Matjhaba ho tsa Lekgetho Afrika le pakeng tsa dinaha tsa BRICS

Tshwane, 4 Pudungwana 2022 - Ditshebeletso tsa Lekgetho tsa Afrika Borwa (SARS) di bile le seabo dikopanong tse ngata bekeng ena ho tiisa maqhama a matjhaba a tshebedisano Afrika le pakeng tsa dinaha tsa BRICS (Brazil, Russia, India, China le South Africa).

Ho bapa le Maikemisetso a rona a Mawala a rona a 8 - a ho sebetsa mmoho le bakgathatema mmoho le Maikemisetso a rona a Mawala a rona a 9 - a ho tlisa tshepo setjhabeng, SARS e ntse e tswela pele ho aha botjha bolekanane ba matjhaba le bakgathatema ba bohlokwa ba kang *OECD, Global Forum on Tax Transparency, ATAF, WCO, SADC, SACU, United Nations* le *IMF* mmoho le ditumellano tsa mahlakore a mabedi le ditheo tse ding tsa Lekgetho le Bolaodi ba Meedi. SARS e ikakgetse ka setotswana mme e na le seabo se ahang diforamong tsena jwalokaha ho etsahetse bekeng ena e fetileng.

Kopano ya pele e bile ya ho ba teng ka tshebediso ya khompyutha kapa ka seqo e leng Kopano ya Bosupa ya Foramo ya Taolo ya Lekgetho Afrika (ATAF) mane Lagos, Nigeria, ho tloha ka la 31 Mphalane ho fihlela ka la 3 Pudungwana 2022. Yona e ile ya latelwa ke dikopano ka tshebediso ya khompyutha tsa BRICS, tse ileng tsa tshwarwa ke Bolaodi ba Lekgetho ba Mmuso (STA) ba China jwalo ka modulasetulo wa jwale wa BRICS. Kopano ena e ne e akga ka hare Ditsebi tsa Lekgetho tsa BRICS le Dihlooho tsa Bolaodi ba Lekgetho ka la 2 le la 3 Pudungwana 2022.

ATAF

Sebokeng sa Kakaretso sa Bosupa sa ATAF se etsahalang ka mora dilemo tse ding le tse ding tse pedi, Togo le Afrika Borwa di ile tsa kgethwa hape ho ba Modulasetulo le Motlatsamodulasetulo ba ATAF, ka ho fapana. Ditho tsa Lekgotla tse kgethetsweng nako ya dilemo tse pedi ke Nigeria, Rwanda, Botswana, Burundi, Uganda, Zambia, The Gambia le Morocco. Lekgotla le fana ka tataiso e mawala le boetapele mosebetsing o etswang ke Bongodi ba ATAF. ATAF le yona e ne e keteka ho amohelwa ha South Sudan, ho ba setho sa mashome a mane a motso o le mong.

Mokotaba wa Seboka sa Kakaretso sa Bosupa, e ne e le *Rethinking Revenue Strategies: The Human Face of Taxation* mme kpano ena e bile le bakgathatema ba fetang 500 ba emetseng ditheo tse 33 tsa lekgetho mmoho le mekgatlo ya balekane e 15. Kopano e ile ya buisana ka ditaba tse fapaneng tsa lekgetho, ho akareditswe le bohlokwa ba Tshebediso ya Mehloodi ya Lehae ho ntshetsa pele tshehetso ka ditjhelete, theknoloji le mehloodi ya batho, se bitswang *Two-Pillar Solution* seo sepheo ka sona e leng ho shebana le diphephetso tse tlang ka lebaka la ikonomi e dijithale, diphetoho tse ntlafatsang mehloodi ya tsa ditjhelete, tshebediso e phethahetseng ya mehloodi ya tlhaho mmoho le ho kginwa ha diphallo tse sa dumellwang tsa ditjhelete.

Ntlhakgolo e nngwe ya kopano ena e bile ho kgakolwa ha bukana e bitswang *Handbook on the Future of Resources Taxation*. Bukaneng ena ho na le mehopolo e mabapi le ka moo mokgwatshebetso wa jwale wa lekgetho o ka ntlafatswang kateng le hore dinaha tse ruileng ka mehlodi di ka etsa eng ho ntlafatsa borui bona ba tsona ba dimenerale.

Khomishenara Edward Kieswetter o ile a hlekela sebaya ka puo ya hae e neng e le mabapi le *Tax and Technology – Human Centered Socially Responsible Automation*. Puong ya hae Khomishenara o tobokeditse tswelopele e seng e entswe ho ahweng ha SARS ya sekwalekwale le e sebetsang ka tsela e bohlae.

O ile a boela a toboketsa bohlokwa ba ho tliša botho mme a hopotsa ba tlišeng kopanong hore, "tse bohlae tseo re di sebedisang ditheong tsa rona tsa lekgetho, theknoloji le *data* eo re e sebedisang, qetellong di mabapi le batho. Tsena tsohle ke ka lebaka la baahi bao re ba sebeletsang. Ke ka lebaka la balefalekgetho le kabelo tsa bona tseo re di tlotlang mme ebile ke ka lebaka la basebetsi ba rona ba etsang sena hore se phethahale".

Ho fumana lesedi le fetang lena mabapi le kopano ena, leba ho www.ataftax.org.

BRICS

Sena e ne e le selemo sa leshome moo Ditheo tsa Lekgetho tsa BRICS di kopanang le sa pele moo mekgatlo ya mabatowa le ya matjhaba e ileng ya ba le seabo dipuisanong tsena tsa BRICS.

Ntlhakgolo ya kopano ya Dihlooho tsa Bolaodi ba Lekgetho ebile ho tshehetswa ha ho kgakolwa ha kgaolo ya pele ya se bitswang *BRICS Tax Best Practices compilation*, e leng pokello ya tse kileng tsa etsahala Ditheong tsa Lekgetho tsa BRICS.

Tsena di akga ka hare tse ntle tse entsweng ke tse ding tsa ditho tsa BRICS Mananeong a Boikobelo a Tshebedisano a CONFIA, Mawala a Matjha a Botsamaisi ba Sekoloto sa Lekgetho, Tshebediso e Phethahetseng ya *Data* ya AEOI — tse latelang tse bitswang *CRS Tool, Faceless Tax Administration, AIS and Updating of Returns, Smart Individual Income Tax (IIT) Reconciliation, Tax Awareness Month, Coordination of Tax and Customs Pricing for Imported Goods* mmoho le se bitswang *Taxpayer Compliance Evaluation and Monitoring*.

Afrika Borwa e tla nka Bodulasetulo ba BRICS maqalong a 2023 mme ka mora moo e amohele baeti dikopanong tsa Lekgetho tsa BRICS ka 2023.

"Tshebedisano ya matjhaba e bohlokwa ho thusa SARS ho phethahata thomo ya yona. Ho sebetsa mmoho le bakgathatema le ka bona ho ntlafatsa mokgwatshebetso wa lekgetho ho tsamaisana le tsela ya rona e mawala. Re tsitlallela ho ba le bolekanane bo sebetsang ka ho phethahala le bo molemo le bakgathatema kaofela, lapeng mona

le matjhabeng, tikolohong ya lekgetho e tlang ka melemo e meholo bakeng sa balefalekgetho. mmuso le setjhaba. Re tshehetsa matla a e mong le e mong wa rona ho rarolla diphephetso tsa taolo ya lekgetho le ho ntlafatsa boikobelo ba tefo ya lekgetho ka boithaopi”, ho rialo Khomishenara Kieswetter.

Bekeng e tlang, mane Spain, *Global Forum on Tax Transparency* ho akareditswe le *African Initiative* ba bile le kopano ho buisana ka boitlamo bo entsweng ho tobana le ho qoba ho lefa lekgetho ka tshebedisano ya mafapha a mangata mmoho le phapanyetsano ka lesedi (EOI). Ka lebaka la bohlokwa bo mawala bo mabapi le phapanyetsano ka lesedi bakeng sa SARS, Khomishenara Kieswetter o tla ba teng ho ntlafatsa tshebedisano le balekane ba rona ho se mabapi le phapanyetsano ka lesedi le ho thusana.

Ho fumana lesedi le fetang lena, ikopanye le SARSMedia@sarss.gov.za.

